

國

朝

列

卿

紀

國朝列卿紀卷之一百十九

巡撫遼東

遼東古青冀二州之域舜分冀東北爲幽州卽今廣寧以西之地青東北爲營州卽廣寧以東之地三面瀕夷一面阻海特山海關一線之路可以內通亦形勝之區也歷代以來地皆郡縣我朝盡改置衛而獨於遼陽開元設安樂自在二州以處內附夷人其外附者東北則建州毛憐女直等衛西北則朵顏福餘泰寧三衛分地世官互市通貢事雖羈縻勢成藩蔽自正統元年疆場有警始遣都御史李璿出撫遂爲定制但三岔河南北亘數百里遼陽舊城在焉草木豐茂更饒魚鮮自國家委

以與虜通遂進據腹心限隔東西守望勞費道里迂遠遼人每
憤憤焉成化以來論者率欲截取而屢作屢輟竟不可行無亦
有識者爲啟邊方之慮乎故專制一方者要在隨勢安輯處
置得宜先事申嚴防守不墮俾恩威並立足制夷情斯爲奠圉
之良圖矣今詳各官宦歷於後其行實見於事紀其勲德茂著
者表爲列傳

國朝列卿紀卷之一百十九

巡撫遼東附 勅使左右副僉都御史年表

李濬

山東武定人永樂中太學生正統元年出撫後加左副都御史仍舊撫綏七年致仕卒

王翱

直隸塩山人進士正統七年以右僉都任八年陞左副都十二年加右都十四年加左都俱照舊巡撫

李純

京師鎮南衛人宣德中國子生景泰三年以左副都御史巡撫本年致仕

寇深

直隸唐縣人進士景泰三年以左副都御史提督軍務

劉廣衡

江西萬安人進士景泰七年以右副都御史任

程信

直隸休寧人進士天順二年以左僉都御史任四年降南京太僕寺少卿

胡本惠

直隸銅陵人永樂庚子鄉舉天順二年以右僉都御史任四年加左副都仍舊任七年致仕卒

滕昭

河南汝州人鄉舉天順八年以右僉都御史任

張岐直隸興濟人進士成化二年以右僉都御史任

李秉山東曹州人進士成化二年以左都御史討建州女直董山

表愷河南魯山人進士成化二年以右僉都御史任四年調南京鴻臚寺卿

彭誼廣東東莞人宣德乙卯舉人成化四年以右副都御史任十三年致仕卒

馬文升河南鈞州人進士成化十二年以兵部右侍郎禦虜本年事寧回部

陳鉞直隸獻縣人進士成化十三年以右副都御史任十五年加右都御史

馬文升見前成化十四年以兵部左侍郎出勘夷情為陳鉞構太監汪直謫戍重慶

王宗漢直隸東鹿人進士成化十六年以右僉都御史任十八年劾降四川左叅議

左鉅直隸阜城人景泰癸酉舉人成化十九年以右僉都御史任二十年調大同

馬文升見前成化二十年以都察院左副都御史任

劉 滌

河南安陽人天順丁丑進士成化二十一年以右副都御史任二十三年致仕

徐 貫

浙江淳安人進士弘治元年以右副都御史任

張 岫

山西安邑人成化丙戌進士弘治二年以右副都御史任十年致仕

張 玉

直隸吳橋人成化丙戌進士弘治十一年以右副都御史任十三年致仕

陳 瑤

廣西全州人成化壬辰進士弘治十三年以左僉都御史任十四年致仕

韓 重

山西絳州人進士弘治十四年以右副都御史任

張 鵬

山東歷城人進士弘治十六年以右僉都御史任

馬中錫

直隸故城人進士弘治十八年以右副都御史任

鄧 璋

順天涿州人進士正德元年以右僉都御史任

劉 璫

山東濟南衛籍江西安福人成化己丑進士正德二年以右副都御史任四年致仕

李貢

直隸蕪湖籍江西吉水人進士正德四年以右副都御史任本年忤逆瑾致仕後起撫順天

王彥奇

四川雲陽人弘治庚戌進士正德四年以右僉都御史任本年致仕

韓福

陝西西安前衛人進士正德四年以戶部侍郎兼僉都御史任本年免

王憲

山東東平人進士正德五年以右僉都御史任

彭澤

陝西蘭州衛人進士正德六年以左僉都御史任

袁經

湖廣寧鄉人弘治庚戌進士正德六年以右僉都御史任七年致仕

石玠

直隸藁城人成化丁未進士正德七年以兵部左侍郎兼右僉都諭遼東諸夷

張貫

直隸蠡縣人成化乙未進士正德八年以右副都御史任十三年卒於官

張禴

順天平谷人弘治己未進士正德十三年以右僉都御史任十五年卒於官

李承勲

湖廣嘉魚人進士正德十五年以右副都御史任

張璉

陝西耀州人進士嘉靖二年以右副都御史任

張雲

河南信陽衛人進士嘉靖五年以右副都御史任

潘珍

直隸婺源人進士嘉靖七年以右副都御史任八年丁憂後起南院

成文

山西文水人弘治壬戌進士嘉靖八年以右副都御史任十年開任

周叙

湖廣九溪衛人進士嘉靖十年以右副都御史任

王潮

直隸丹徒人進士嘉靖十二年以右副都御史任

呂經

陝西寧州人正德戊辰進士嘉靖十三年以右副都御史任十四年激變亂軍着閑任

韓邦奇

陝西朝邑人進士嘉靖十四年以右副都御史任

任洛

河南鉅州人進士嘉靖十四年以右副都御史任

劉漳

湖廣黃岡人陝西蘭州衛籍進士嘉靖十七年以右副都御史任十八年養病回籍

劉儲秀

陝西咸寧人進士嘉靖十八年以右副都御史任

孫禴

錦衣衛籍進士嘉靖二十年以右僉都任被劾聽調本年復原職尋加右副都御史二十三年劾免

顧遂

浙江餘姚人進士嘉靖二十二年以右副都御史赴任連限降山東左叅政歷汀漳右副都御史

董珊

陝西膚施人嘉靖丙戌進士二十三年以右僉都御史任二十四年考劾閑任

盧蕙

直隸山陽人嘉靖癸未進士二十四年推右副都御史未任病卒

於敖

陝西岷州衛籍直隸亳州人進士嘉靖二十四年以右僉都御史任二十五年回籍後起鎮昌平

胡宗明

直隸績溪人正德丁丑進士嘉靖二十六年以副都御史任二十七年回籍聽勸降浙江左叅政

李珏

直隸開州人弘治乙丑進士嘉靖二十七年以右副都御史任

蔣應奎

山西大同縣籍馬邑所人進士嘉靖二十七年以右副都御史任

許宗魯

陝西咸寧人正德丁丑進士嘉靖三十年以右僉都御史任三十一年閑任

江東

山東朝城人嘉靖己丑進士三十一年以右副都御史任

蘇志皋

順天固安人嘉靖壬辰進士三十四年以右僉都御史任三十七年閑任

路可由

山東曹縣人嘉靖辛丑進士三十七年以右僉都御史任三十八年閑任

侯汝諒

山西太原人嘉靖戊戌進士三十八年以右僉都御史任四十年聽勘

吉澄

直隸開州人嘉靖甲辰進士四十年以右僉都御史任四十一年閑任

王之誥

湖廣石首人嘉靖甲辰進士四十年以右僉都御史任四十二年陞兵部右侍郎

劉應節

山東濰縣人嘉靖丁未進士四十年以右僉都推丁憂未任

張西銘

山東濱州人嘉靖丁未進士四十四年以右僉都御史任聽調

魏學曾

陝西紫陽人嘉靖癸丑進士四十五年以右僉都御史任

李秋

順天薊州人嘉靖丁未進士隆慶三年以右僉都御史任

毛

綱

順天薊州人嘉靖癸丑進士
隆慶四年以右僉都御史任

張學顏

直隸肥鄉人嘉靖癸丑進士
隆慶五年以右僉都御史任

周

詠

河南延津人嘉靖壬戌進士萬曆五年十月由大理府少
卿陞右僉都任六年加右副都十年陞兵部右侍郎仍任

李

松

順天大城人嘉靖壬戌進士萬曆十年以管遼東右布政
陞右僉都任十一年加右副都十二年陞兵部右侍郎兼

僉都仍任十三

年九月丁憂

顧養謙

南直通州人嘉靖乙丑進士萬曆十三年由薊州兵備
陞僉都十四年加右副都仍任十七年陞南戶侍郎

郝

杰

山西蔚州人嘉靖丙辰進士萬曆十七年由山東
按察使管遼東行太僕寺事陞右僉都御史任

巡撫遼東行實

李濬字伯淵山東濟南府武定州人自居庠序時已爲輩流推服由歲貢入太學永樂中擢行在四川道監察御史卓然有聲會宣宗卽位之元年樂安州漢庶人謀叛劫衆從已濬以外艱家居語族人曰吾先世皆以忠孝爲立身傳授之範今吾必不爲叛逆所辱汝等以善自裁吾計決矣乃晨夜馳京告變

朝廷仗大義以討平之改樂安爲武定州嘉其忠陞都察院左僉都御史階中順大夫復賜以襲衣綵段三年特賜誥命曰爾中順大夫都察院左僉都御史李濬擢任風紀清慎廉介當叛逆圖危之初乃心國家首發其謀嘉爾忠誠擢貳憲長授任以

來益圖克稱茲特錫之誥命以爲爾榮五年立廠於易州平山
命督其事初庶事草創未備濬區畫有方不激不隨規模槩定
未幾回院正統元年 英宗嗣統簡任賢能勵精圖治時濬丁
內艱還適遼東守臣懈於邊備虜數寇盜 上命在廷大臣舉
素有才者一人往撫綏之僉以濬爲宜 上遂召蒞其事至則
集諸將士宣布 朝廷恩威諭以禦戎之道莫重於守於是高
城深池謹烽堠鳴刀斗揀精銳士馬分布要害暇則躬親督視
屯田區畫措置由是邊儲甲兵堅利自瀚海以東悉平悉寧
上聞嘉之進左副都御史階嘉議大夫仍勅凡事所當行者並以
便宜施行在邊凡八年以目疾乞休致還未幾卒於家訃聞

上之遣官諭祭命有司營葬事

王翺字九臯直隸河間府鹽山縣人歷都察院右僉都御史正
統七年遼東邊備弗緝寇虜頻來侵犯監軍叅贊總兵累失機
朝廷深以爲憂特勅公提督遼東軍務及辭召至文華殿面諭
以便宜行事公至前屯下馬總兵以下庭謁公詰所以失機之
由命左右悉曳出斬之再三哀請得釋於是三軍股慄莫敢不
用命至廣寧不踰月沿邊自山海關直抵開原高牆垣深溝塹
五里爲堡十里爲屯烽燧墩墩珠連壁貫千里相望簡閱行伍
老弱者更之貧窮者賑給之鰥寡者婚配之謂邊境不可以法
律治凡詞訟無問重輕量情以布絹谷粟贖罪雖人命亦以物

償其家癸亥九載秩滿陞左副都御史時母張夫人故上疏乞
歸終喪 特降勅不必守制賞鈔一千錠令其姪安葬丁卯率
官軍征勦達賊斬獲首級人畜無筭捷奏 賜勅獎諭爾等克
稱朕命屢率精兵出境斬獲人畜來獻朕深嘉之茲特陞爾等
秩仍加賞賚以旌其勞陞右都御史已巳又以殺獲達賊功陞
左都御史是年八月胡虜也先犯京師分其醜類數萬寇廣寧
時公方坐教場給賞軍士且戒約三軍分部將帥爲禦虜計不
意虜騎前鋒卒然突至我軍大潰公還歸坐城下收拾散卒衆
稍集彼衆我寡度不可敵乃下令堅壁固壘間有謂城不可守
以惑衆者公怒勒劍示衆曰敢爲異謀者斬餘俟其怠還補銳

步卒分投四出或奔其前或躡其後或衝擊其左右賊不得
且所掠輜重既多不久遂遁去公在邊十數年間設法措置
銀萬餘兩糧數萬石馬千餘匹邊用充足器械鮮利軍士飽煖
人樂於戰所舉總兵叅將如施聚焦禮輩自衆中拔起皆智勇
有統馭才爲夷狄所憚近邊建州毛連及海西夷衆來則厚以
款待去則嚴加隄備故老少男婦莫不感公之恩而畏其威皆
以王爺爺呼之景泰三年壬申勅取回京管都察院事累官
吏部尚書詳吏部

李純字鎮南衛人宣德中國子生景泰三年任都察院左
副都御史巡撫遼東地方本年致仕

寇深字文淵直隸保定府唐縣人監生景泰三年以左副都御史任至乃積糧練兵盡防禦之策守臣咸敬畏之海賊李福挾妖術以惑衆報至親率數百騎直抵海州授都指揮周英方畧擒之七年回院歷左都御史詳都察院

劉廣衡字克平江西吉安府萬安縣人永樂甲辰進士景泰七年以右副都御史任鎮靜不擾遠近悅服天順元年遷刑部左侍郎尋陞尚書詳刑部

天順元年革巡撫二年復設

程信字彥實直隸徽州府休寧縣人正統壬戌進士天順元年任太僕寺卿二年以左僉都御史任四年降南京太僕寺少卿

歷南京兵部尚書詳南京兵部

胡本惠字

直隸池州府銅陵縣人永樂庚子舉人宣德中

授戶部主事正統

年陞南昌府知府十四年陞陝西右布政

使景泰六年陞河南左布政使天順二年陞都察院右副都御史巡撫遼東地方四年陞都察院左副都御史仍前任七年致仕卒於家壽八十八

滕昭字自明河南南陽府汝州人鄉舉授御史天順八年以右僉都御史任成化二年遷總督漕運右副都御史歷兵部左侍郎詳兵部

張岐字來儀直隸河間府興濟縣人景泰甲戌進士任御史歷

浙江副使成化二年以巡撫延綏都察院右僉都御史改任酷
害邊軍三年取回院餘詳都察院

李秉字執中山東曹州乾都人宣德丙辰進士成化二年以左
副都御史討建州女直董山秉因奏建州毛隣海西諸部落野
人女直來朝貢者邊臣不得過爲揀擇以起邊釁下部議從之
三年九月同武靖伯趙輔討建州女直破之獲其酋董山等一
百餘人誅之十月還院詳吏部尚書

袁愷字

河南南陽府汝州魯山縣人景泰甲戌進士成化

三年以都察院右僉都御史任五月愷以建州女直頻歲入寇
人不聊生奏免遼東歲貢人參四年調南京鴻臚寺卿歷光祿

寺卿總督南京糧儲右副都御史詳南京糧儲

彭誼字景宜廣東廣州府東莞縣人宣德乙卯鄉舉初任工部
司務正統己巳邊事起有 旨大臣舉風憲須老成人部以誼
應陞湖廣道監察御史時王文掌院事號嚴明獨禮重誼景泰
庚午南直隸滂民有殍誼往賑濟日走數邑不憚勞民賴活者
甚衆壬申河決張秋隄水東趨不由道奉 勅修理先是尚書

石璞暨都御史王暹洪英各言方畧試輒敗誼乃督役夫從旁
濬之約先畢先息不限日旣濬決水勢緩隨旣塞之水復故處
漕輓通以功陞六品俸甲戌陞大理寺丞乙亥陞右僉都御史
奉 勅提督紫荆白羊倒馬等關律將治兵修築城堡按古法

造神臂弓守之尋復奉勅提督各關倉糧保定等衛屯糧會
忤權貴得罪天順丁丑左遷紹興知府民告饑卽發倉卹之或
謂當上聞否且得罪誼曰待請而發則轉溝壑者多矣吾何愛
一身而不以活萬命明年有秋民爭委輸不踰月而倉復盈先
是郡縣官田稅重耕者不得食而流移焉賦多逋負責歸於官
輒不滿秩去誼請計畝起耗減重增輕民便之又因販築白馬
關鹵歷不入溉良田若干頃歲獲穀若干斛一郡蒙其利咸化
元年陞山東左布政使去之日蕭山民有感德者持海味二器
爲餽餞却之其人愧謝而去居山東一載陞工部左侍郎四年
改右副都御史巡撫遼東地方在遼東十年嚴武備實倉廩

諱有威自小黑山之捷虜後遠遁不敢犯邊東方無事時總領
太監橫徵諸屬衛誼乃令所屬衛凡移文不經本院議處者皆
令覆請違者以軍法從事虐焰頓息邊人德之十三年致仕卒
於家壽八十八

馬文升字負圖河南鈞州人景泰辛未進士成化十二年以兵
部右侍郎禦虜文升製五花營八陣圖以訓士卒上禦邊十五
事本年回部十四年以兵部左侍郎出勘建州女直夷情太監
汪直主陳鉞議欲誘殺貢夷爲功升不從先往其地招撫之直
至無所獲銜之十五年爲汪直與陳鉞構陷文升一無所辯謫
戍重慶直敗升寃始雪二十年起左副都御史巡撫遼東禁輯

利害人無敢犯文升於遼東凡三往皆樹奇績東人至今思之
詳吏部

陳鉞字廷威直隸河間府獻縣人天順丁丑進士成化十
任山東左布政使強悍苛刻不飾名檢益務厚殖十三年以右
副都御史任恣情徇利蕩無紀綱十五年加右都御史尋陞戶
部尚書歷兵部尚書詳兵部

王宗彝原名倫直隸保定府東鹿縣人歷太僕寺少卿成化十
五年以右僉都御史任十八年被劾降四川左叅議歷南京禮
部尚書詳南京禮部

左鈺字廷珍直隸河間府阜城縣人景泰辛酉舉人成化元

急缺風憲擢

道監察御史八年陞陝西僉事十一年陞

西副使十八年陞陝西按察使十九年陞都察院右僉都御史

巡撫遼東二十年調大同二十二年改佐管都察院事歷山西

巡撫詳山西巡撫

劉潯字

河南彰德府安陽縣人天順丁丑進士授刑部主

事歷刑部郎中成化七年陞浙江右叅議

改陝西

陞

陝西左叅政十

年陞陝西右布政使十五年陞陝西左布政

使十六年回籍十九年補四川左布政使二十年陞順天府尹

二十一年陞都察院右副都御史巡撫遼東地方二十二年致

仕

徐貫字從道浙江嚴州府淳安縣人天順丁丑進士授兵部職
方主事歷山東布政使弘治元年以右副都御史任四年陞工
部左侍郎歷尚書詳工部

張岫字

山西平陽府安邑縣人成化丙戌進士擢

道

監察御史

陞嘉興府知府

年改開封知府

年陞

山東左叅政弘治二年陞河南右布政使四年陞河南左布政
使本年陞都察院右副都御史巡撫遼東地方十年致仕

張玉字

直隸河間府吳橋縣人成化丙戌進士四年任雲

南道監察御史正色立朝權貴斂手七年養病九年復原職尋

按關陝西進廉去貪風裁振肅十四年陞浙江按察司僉事二

十三年陞福建副使弘治四年轉本司按察使七年復陞本布政司左布政使閱十餘年凡盜賊之隱伏人民之誣罔謀逆之不軌征徭之不均爲所廉得摘發裁革損益者至夥八年以薦進順天府尹時民方困於征輸玉廼條陳其利害上之事下廷議皆趨之遂以爲例計歲減數千萬緡居者安堵流離者復業丁巳陞右副都御史巡撫遼陽謹斥堠嚴烽燧敦信義練軍士以守備爲本而不言攻戰有徵求以希爵賞者公正色屬言拒之戊午進階一級庚午乞骸骨然中外方倚重留之愈懇而辭之愈堅竟以致仕歸

陳瑤字

廣東桂林府全州人成化壬辰進士授

知縣

擢道監察御史弘治九年陞通政司右叅議十一年陞右

通政十三年陞都察院左僉都御史巡撫遼東十四年致仕

韓重字

山西平陽府絳州人累官順天府尹弘治十四年

以右副都御史任十五年改撫湖廣歷南京工部尚書詳南京

工部

張彊字

山東濟南府歷城縣人成化乙未進士歷河南右

叅政弘治十六年以右僉都御史任十八年改撫宣府歷都察

院左副都御史南院右都御史詳南京都察院

馬中錫字天祿直隸河間府故城縣人累官右副都御史巡撫

宣府養病弘治十八年起右副都御史任取勢家所占便利田

給卒盡除其虛籍劾太監及武職之開肆擅馬市者抵其左右
於法正德元年遷兵部右侍郎歷都察院左右都御史詳都察
院

鄧璋字禮方順天府涿州人成化丁未進士授南昌府推官弘
治七年擢御史十五年陞大理右寺丞十七年轉右少卿正德
元年以右僉都御史任智勇公勤虜人畏之遯東人呼爲鄧鐵
面三年遷左僉都御史巡撫宣府歷南京戶部尚書詳南戶部
劉璫字璫山東濟南衛籍江西吉安府安福縣人成化己丑
進士授刑部主事歷員外郎郎中二十一年遷大理寺右寺丞
二十二年轉左坐罪貶建州知州二十三年陞州府同知歷

知府弘治九年陞都察院右僉都御史巡撫大同地方十一年被劾取回爲大理寺左少卿致仕正德二年陞都察院右副都御史巡撫遼東四年致仕

李貢字惟正直隸蕪湖縣籍江西吉安府吉水縣人成化甲辰進士授戶部主事累官山西左布政使正德四年以右副都御史任遼陽錦義以逆瑾併奪屯田將謀爲亂貢撫之乃安虜酋久爲患乃諭令入貢有白金豸衣之賜本年忤逆瑾致仕後起巡撫順天歷兵部右侍郎詳兵部

王彥奇字

四川夔州府雲陽縣人弘治庚戌進士授南京

戶部

司主事歷

司員外郎

司郎中

年陞延安

府知府十一年以政績保留陞陝西參政仍知府事正德二年陞南京太僕寺少卿四年改應天府丞本年陞都察院右僉都御史巡撫遼東本年致仕

韓福字德夫陝西西安前衛籍成化辛丑進士授滑縣知縣擢御史歷協院右僉都正德四年以戶部左侍郎兼都察院左副都御史清查遼東屯田本年免官五年坐附逆瑾請戍固原詳戶部

王憲字維綱山東兗州府東平州人弘治庚戌進士正德二年任大理寺左寺丞五年以右遷都御史任六年守制後起撫治鄖陽歷兵部尚書詳兵部

彭澤字濟物陝西蘭州衛人弘治庚戌進士任河南按察使正德六年以左僉都御史任本年遷撫保定右副都御史歷兵部尚書詳兵部

袁經字湖廣長沙府寧鄉縣人弘治庚戌進士正德五年任山東按察使六年陞都察院右僉都御史遷撫遼東七年致仕

石玠字邦秀直隸藁城縣人成化丁未進士正德七年任兵部左侍郎兼右僉都御史諭遼東諸夷玠宣布威德各相率歸服詳戶部尚書

張貫字直隸保定府蠡縣人成化乙未進士正德八年任

都察院右副都御史巡撫遼東十三年卒於官

張禴字

禴弟順天府平谷縣人弘治己未進士授刑部主

事歷員外郎郎中正德二年改查盤御史四年陞太僕寺卿五年陞都察院右僉都御史巡撫大同本年謫泗州知州歷陝西兵備副使十三年轉左叅政尋陞右僉都御史巡撫遼東十五年卒於官

李承勲字立卿湖廣武昌府嘉魚縣人弘治癸丑進士歷河南左布政正德十五年以右副都御史任修築定邊慶雲古城鎮夷松山紫河六堡墩望八十一所出田千五百頃又修中固鐵嶺蒲河撫順諸城濬隍樹木爲阻嘉靖二年養病後起改南院

歷南京刑部右侍郎尚書攷吏部遷刑部兵部尚書兼左都御史詳兵部

張璉字

陝西西安府耀州人弘治壬戌進士嘉靖二年以

右副都御史任五年養病後遷戶部左侍郎詳戶部

張雲字

河南信陽衛人弘治壬戌進士任吏科都給事中

正德十五年任提督四夷館太常寺少卿嘉靖二年陞南京光祿寺卿五年以右副都御史任七年回籍聽用後起戶部右侍郎歷左侍郎總督倉儲西苑尚書詳戶部

潘珍字

直隸徽州府婺源縣人弘治壬戌進士

嘉靖七年以右副都御史任八年丁憂後起

歷南京兵部右侍郎改兵部進左侍郎詳兵部

成文字

山西太原府文水縣人弘治壬戌進士授單縣知

縣十六年丁憂正德元年補武邑知縣四年選浙江道監察御史六年改江西道九年爲民十六年起用嘉靖元年陞鳳翔知府二年陞陝西副使四年陞陝西左叅政六年陞山東右布政使七年陞左布政使八年陞提督四夷館太常寺卿未任改都察院右副都御史巡撫遼東地方十年開仕

周叙字子厚湖廣九溪衛人正德辛未進士授大理寺評事嘉靖九年任陝西左布政使十年以右副都御史任十二年改南院歷大理寺卿戶部右侍郎兵部左侍郎宣大總制工部尚書

降左侍郎詳工部

王潮字

直隸鎮江府丹徒縣人正德戊辰進士

嘉靖十年任巡撫大同右副都御史十二年以右

副都御史任十三年遷南京大理寺卿歷南京戶部左侍郎詳

南京戶部

呂經字

陝西慶陽府寧州人正德戊辰進士

任

科給事中十年陞吏科都給事中

嘉靖十三年任

都察院右副都御巡撫遼東地方十四年激變亂軍閑住

韓邦奇字

陝西西安府朝邑縣人正德戊辰進士四年任

吏部考功司主事七年陞按察副使嘉靖十一年陞大理左少卿十二年陞協院左僉都御史十四年以都察院左僉都御史陞右副都御史任未至改撫山西致仕後起總理河道歷刑部右侍郎改吏部南院右都南京兵部尚書詳南京兵部

任洛字

河南開封府鈞州人正德辛未進士

嘉靖十三年任巡撫山西右副都御史十四年以右副都御史任十七年改左副都御史巡撫陝西歷戶部左侍郎詳

戶部

劉淳字

湖廣黃州府黃岡縣人陝西臨洮府蘭州衛籍正

德丁丑進士授戶部

司主事十年改兵部武庫司主事

嘉靖二年陞車駕司員外郎
年陞武選司郎中
年陞河南

府知府
年陞副使
十年陞四川

按察使
十七年陞都察院

右副都御史巡撫遼東地方十八年養病回籍

劉儲秀字
陝西西安府咸寧縣人正德甲戌進士

嘉靖十八年以右副都御史任二十年遷戶部

右侍郎歷兵部尚書詳兵部

孫禴字
錦衣衛籍直隸廬州府合肥縣人正德甲戌進士

授曲沃縣知縣十三年擢山東道監察御史嘉靖元年陞通政

司右叅議五年丁憂七年補原職調光祿寺少卿十一年陞太

僕寺少卿十三年爲災異調外丁憂十七年補山東副使二十
年陞河南右叅政本年陞都察院右僉都御史巡撫遼東二十
二年被劾取回聽調本年仍復原職尋陞右副都御史仍舊任
二十三年劾免二十四年起光祿寺卿陞通政使歷總儲戶部
左侍郎

顧遂字

浙江紹興府餘姚縣人正德甲戌進士歷

嘉靖二十二年以右副都御史推赴任違限降山

東左叅政歷汀漳右副都御史南京刑部右侍郎詳南京刑部
董珊字邦奇陝西延安府膚施縣人嘉靖丙戌進士六年除山
西臨汾知縣十一年擢河南道監察御史二十年陞大理寺左

寺丞二十二年陞大理寺左少卿二十三年陞都察院右僉都御史巡撫遼東二十四年考効閑住

盧憲字子貞直隸淮安府山陽縣人嘉靖癸未進士

歷浙江左布政使二十四年陞都察院右副都

御史巡撫遼東病未任卒

於敖字伯度陝西岷州衛籍直隸鳳陽府亳州人正德辛巳進士嘉靖二十四年以右僉都御史任二十五年回籍二十年起鎮守昌平三十一年改撫大同詳大同巡撫

胡宗明字直隸徽州府績溪縣人正德丁丑進士授戶部

陝西司主事歷員外郎郎中嘉靖年陞布政司右叅議

陞廣西左叅議
年陞湖廣副使
丁憂起補河南調廣西
按察使
二十年陞雲南右布政使
二十二年陞河南左布政使
二十三年丁憂
二十五年復補山東左布政使
二十六年陞都察院右副都御史巡撫遼東地方
二十七年回籍聽勘降浙江左叅議

李珏字直隸大名府開州人弘治乙丑進士嘉靖二年任河南兵備副使五年陞巡撫甘肅右僉都御史六年謫戍二十一年陞巡撫山西右僉都二十七年以右副都御史任二十八年遷大理寺卿詳大理寺

蔣應奎字文煥山西大同府大同縣籍馬邑所人嘉靖丙戌進

士任工部郎中五年陞太僕寺少卿二十四年陞應天府尹二十七年以右副都御史任三十年陞兵部右侍郎提督團營詳兵部

許宗魯字伯誠陝西西安府咸寧縣人正德丁丑進士嘉靖七年任湖廣提學副使九年任太僕寺少卿十一年陞大理寺少卿本年陞右僉都御史提督紫荆等關兼撫保定等府十二年閑任二十九年原官經略昌平等處三十年改撫遼東三十一年閑任

江東字伯陽山東東昌府朝城縣人嘉靖己丑進士三十一年以右副都御史任

蘇志臯字德明順天府固安縣人嘉靖壬辰進士授瀏陽知縣

調江西進賢縣知縣陞刑部司主事轉員外郎郎中

陞河南僉事轉山西右叅議陞陝西副使降河州知州

年陞陝西僉事轉山西副使年陞陝西左叅政

轉山西按察使歷右布政使三十四年陞巡撫遼東都察院右

僉都御史三十五年陞右副都御史照舊巡撫三十七年閑任

國朝列卿紀卷之二十九終

朝及卿紀卷之一百二十

巡撫河南序

河南古豫州地漢置豫州刺史察舉潁川河南等郡而不常
治東漢置司隸校尉治洛陽而別置豫州於譙郡唐於此置河
南道開元中置都畿河南河北三道採訪處置使而都畿道治
東都河南道治陳留河北道治魏郡宋都於汴置京東京西二
路安撫使以開封河南守臣兼領元於此置河南江北等處行
中書省河南江北道肅政廉訪司 本朝置河南等處承宣布
政使司領開封彰德衛輝懷慶河南南陽汝寧七府置河南都
指揮使司領宣武南陽信陽彰德弘農陳州懷慶河南潁川睢

陽才衛并額止守禦千戶所置河南等處提刑按察司分河南河北二道兼察諸府州衛所並治開封自永樂十年命都御史王彰出撫事畢則止歷宣德五年命侍郎于謙巡撫山東河南三省始有巡撫之命正統十四年又命都御史王來兼撫河南湖廣二省至景泰元年始命都御史王暹專撫河南相沿至今凡以甸寧中土握天下之要衝也然地爲四戰人雜五方故其俗右武習豪加以奢麗相高雕刻絕天下以致家無積儲一遇荒歉流移轉徙者相望而魏威履仁鎮危立利使斯民熙熙然安生業以席甘棠之蔭非國家置撫臣意耶今詳各官宦履於後其行實見於事紀其勳德茂著者表爲列傳若勅使有事

茲五者另列於首云

國朝列卿紀卷之一百二十

勅使河南侍郎都御史年表

王

彰

河南歸德府人永樂十年以右副都御史出撫祥符都察院右都

許

廓

河南襄城人宣德五年以工部右侍郎教荒許兵部尚書

王

佐

山東海豐人宣德十年以戶部侍郎巡視詳戶部尚書

李

奎

江西弋陽人正統四年以大理寺丞巡視詳大理寺右少卿

焦

宏

河南葉縣人正統十年以戶部右侍郎教視河南諸衛屯田

王

文

直隸東鹿人景泰三年以太子太保左都御史賑饑詳內閣

鄒

幹

浙江餘杭人景泰四年以禮部右侍郎賑濟河南等處

江

淵

四川江津人景泰五年以戶部右侍郎兼學士賑饑詳內閣

王

恕

陝西三原人。成化二年以副都御史撫流民。詳吏部尚書。

楊

璿

見巡撫成化四年命撫流民。

原

傑

山西陽城人。成化六年以戶部左侍郎考察官吏。十二年復差處置流民。

何

鑑

浙江新昌人。弘治十八年以刑部左侍郎兼左僉都御史。清戶口。

畢

亨

山東新城人。正德二年以南京工部右侍郎巡視災傷。詳工部尚書。

洪

鍾

浙江錢塘人。正德五年以刑部尚書兼左都御史。總川陝湖河兵務。

彭

澤

陝西蘭州人。正德六年以右副都御史討河南羣盜。

巡撫河南侍郎都御史年表

于

謙

浙江錢塘人。進士。宣德五年以兵部右侍郎巡撫河南山西。凡十八年。詳兵部尚書。

王

來

浙江慈谿人。舉人。正統十四年以右副都御史巡撫河南湖廣。詳南京工部尚書。

王

遲

浙江山陰人永樂戊戌進士景泰元年以右副都御史任三年加左副都四年加右都俱照舊巡撫五年致仕

馬

謹

直隸新樂人宣德丁未進士景泰六年以左副都御史任天順元年致仕

賈

銓

直隸邯鄲人進士成化元年以左副都御史任詳都察院副都

王

恕

陝西三原人進士成化四年以左副都御史任詳吏部尚書

陳

濂

浙江鄞縣人進士成化八年推右副都御史未任改撫保定詳保定巡撫

楊

璿

直隸無錫人正統己未進士成化八年以右副都御史任十年卒於官

張

瑄

應天江浦人進士成化十年以右副都御史任詳南京刑部尚書

李

衍

直隸隆慶人進士成化十四年以右副都御史任詳戶部總諸尚書

秦

紘

山東單縣人進士成化十七年以右僉都御史任詳戶部尚書

孫

洪

山東平度人景泰甲戌進士成化十七年以右副都御史任十八年丁憂

趙文博

山西代州人景泰甲戌進士成化十八年以右副都御史任二十二年致仕

劉城

江西鄱陽人景泰丙子鄉舉成化二十三年以右副都御史任本年致仕

楊理

直隸山陽人進士成化二十三年以右副都御史任詳工部右侍郎

侯英

直隸開州人天順庚辰進士弘治二年以右副都御史任本年卒於官

錢鉞

浙江錢塘人進士弘治三年以右僉都御史任本年調南京光祿寺卿詳貴州巡撫

徐恪

直隸常熟人進士弘治四年以右副都御史任詳南京工部右侍郎

韓文

山西洪洞人進士弘治八年以右副都御史任詳戶部尚書

陳道

直隸盱眙人進士弘治九年以右副都御史任詳南京刑部尚書

鄭齡

江西弋陽人成化己丑進士弘治十一年以右副都御史任十四年回籍

孫需

江西德興人進士弘治十五年以右副都御史任詳南京工部尚書

韓邦問

湖廣襄陽縣人進士弘治十七年以右副都任詳刑部侍郎

陶琰

山西絳州人進士正德元年以右副都御史任詳南京兵部尚書

鄧庠

湖廣宜章人進士正德六年以右副都御史任詳南京戶部尚書

鄧璋

順天涿州人進士正德六年以右副都御史任詳南京戶部尚書

陳珂

浙江嵯縣人進士正德八年以右副都御史任詳大理寺卿

蕭翀

四川內江人進士正德十年以右副都御史任詳提督兩廣右都

李充嗣

四川內江人進士正德十年以右副都御史任詳南京兵部尚書

沈冬魁

直隸阜城人進士正德十三年以右副都御史任詳南京禮部尚書

何天衢

湖廣道州人進士正德十六年以右副都御史任詳工部右侍郎

王蓋

山東濰縣人進士嘉靖二年以右副都御史任詳四川採木侍郎

劉文莊

陝西華陰人進士嘉靖三年以右副都御史任詳都察院副都

蔣璠

浙江歸安人進士嘉靖四年以右副都御史任詳工部尚書

潘墳

直隸山陽人正德戊辰進士嘉靖七年以右副都御史任八年致仕

徐璣

浙江永康人進士嘉靖八年以右僉都御史任詳工部右侍郎

吳山

直隸吳江人進士嘉靖十年以右副都御史任十三年降浙江右叅議詳刑部尚書

簡霄

江西新喻人進士嘉靖十三年以右僉都御史任詳南京兵部右侍郎

易璣

直隸肅寧籍山西臨汾人正德辛未進士嘉靖十五年以右副都御史任十八年開任

胡纘宗

陝西秦州人正德戊辰進士嘉靖十八年以右副都御史任本年開任

傅鏞

遼東廣寧衛人正德辛未進士嘉靖十八年以右副都御史任十九年卒於官

魏有本

浙江餘姚人正德辛巳進士嘉靖十九年以右僉都御史任詳南京刑部侍郎

李宗樞

陝西富平人嘉靖癸未進士二十一年以右僉都御史任二十三年卒於官

雒昂

陝西三原人嘉靖癸未進士二十三年以右副都御史任二十四年繫獄

龔亨

江西清江人正德辛巳進士嘉靖二十四年以右副都御史任二十五年閑任

柯相

直隸貴池人正德丁丑進士嘉靖二十五年以右副都御史任本年閑任

范鏊

江西樂平人直隸潘陽衛籍正德丁丑進士嘉靖二十五年以右副都御史任詳兵部尚書

丁汝夔

山東諸化人正德辛巳進士嘉靖二十六年以右副都御史任詳兵部尚書

張綱

江西吉水人嘉靖癸未進士二十六年以右副都御史任二十七年卒於官

彭黯

江西安福人嘉靖癸未進士二十七年以右副都御史任詳南京工部尚書

端廷赦

直隸當塗人正德辛巳進士嘉靖二十八年以右副都御史任詳南京苑右都

葛守禮

山東德平人嘉靖巳丑進士二十九年以右副都御史任詳戶部尚書

陸

瑯

浙江嘉善人嘉靖丙戌進士三十年以右僉都御史任本年致仕

高

澄

順天固安人嘉靖己丑進士三十年以右副都御史任三十一年卒於官

謝存儒

湖廣蒲圻人嘉靖丙戌進士三十一年以右副都御史任詳南京兵部右侍郎

楊宜

直隸衡水人嘉靖癸未進士三十二年以右僉都御史任詳南直隸總督侍郎

鄒守愚

福建莆田人嘉靖丙戌進士三十三年以右副都御史任詳戶部左侍郎

張烜

廣西慶遠人嘉靖己丑進士三十四年以右副都御史任三十五年開任

潘恩

直隸上海人嘉靖癸未進士三十五年以右副都御史任詳刑部尚書左都

章

煥

直隸吳縣人嘉靖戊戌進士三十六年以右僉都御史任詳南儲副都

張永明

浙江烏程人嘉靖乙未進士三十八年以右副都御史任詳刑部尚書左都

蔡汝楠

浙江德清人嘉靖壬辰進士四十年以右副都御史任詳京營侍郎

胡堯臣

四川安居人嘉靖戊戌進士四十一年以右副都御史任四十二年致仕

遲鳳翔

山東臨朐人嘉靖甲辰進士四十二年以右副都御史任見兵部左侍郎

冀鍊

山東益都人嘉靖甲辰進士四十四年以右僉都御史任改撫宣府

孟養性

山東齊河人嘉靖戊戌進士四十五年以右副都御史任隆慶元年養病

劉應節

山東濰縣人嘉靖丁未進士隆慶元年以右僉都御史任本年改撫順天

王國光

山西陽城人嘉靖甲辰進士隆慶元年以右副都御史未任養病

戴才

直隸滄州人嘉靖甲辰進士隆慶元年以右副都御史任改大理寺卿

李邦珍

山東肥城人嘉靖庚戌進士隆慶二年以右僉都御史任

栗永祿

山西長治人嘉靖甲辰進士隆慶四年以右副都御史任

梁夢龍

直隸真定人嘉靖癸丑進士隆慶五年以右副都御史任

吳道直

直隸定州人嘉靖癸丑進士萬曆元年由河南左布政陞太僕寺卿未任陞右副都御史任

楊一魁

山西安邑人嘉靖乙丑進士萬曆十一年由山東左布政陞右副都任十五年陞南戶部右侍郎

臧惟一

山東諸城人嘉靖乙丑進士萬曆十二年七月由順天府尹陞右副都任十四年養病

袁貞吉

江西南昌人嘉靖己未進士萬曆十四年二月由浙江左布政陞右副都任十六年陞工部右侍郎

周世選

直隸故城人嘉靖壬戌進士萬曆十六年由光祿卿陞右僉都任十八年陞協院左副都

吳自新

直隸江寧籍祁門人隆慶戊辰進士萬曆十八年由太常寺卿陞右副都任

勅使河南行實

王彰字文明河南開封府鄭州人永樂十年以右副都按河南十九年以都察院右都御史巡撫河南考察官吏待鄉舊如平生至於公法雖親不貸奏停不急之徵十餘事官吏以貪暴罷免者九百餘人招流民復業幾五萬家發廩賑之強賊張大聚亡命嵯峨山行劫女僧宋繼善妖言惑衆奸人李人美左道惑衆悉捕斬之事竣還院詳都察院

許廓字文起河南開封府襄城縣人宣德五年以工部左侍郎差撫饑民至則旌廉黜貪勸善懲惡榜示有司弗得科擾禁豪右毋取私財悉免夫匠雜役及諸採辦積逋稅糧民戴之如父

母本年事竣還部歷兵部尚書詳兵部

王佐字

山東濟南府海豐縣人宣德十年以戶部右侍郎

差蒞巡撫河南奉公守法布揚德惠不擾於民歷戶部尚書詳

戶部

李奎字

江西廣信府弋陽縣人正統四年以大理寺寺丞

差蒞巡視歷大理寺右少卿詳大理寺

焦宏字克明河南葉縣人正統十年以戶部右侍郎按視河南

濱陝諸衛屯田查其倉廩考校其耕獲奸弊盡革儲峙以克詳

戶部

王文字千之直隸保定府束鹿縣人景泰二年以太子太保都

察院左都御史賑濟河南山東南直隸饑民本年回院累官內閣少保詳內閣

鄒幹字 浙江餘杭人景泰四年以禮部右侍郎賑濟河南等處大水幹奏免本年稅糧詳禮部

江淵字 四川重慶府江津人景泰四年以內閣戶部右侍郎兼學士出賑河南山東饑荒本年還京歷工部尚書詳內閣并工部

王恕見巡撫成化元年命撫流民

楊璿詳巡撫成化四年命撫流民

原傑字 山西太原府陽曲縣人成化六年以戶部左侍郎

差泄考察文武官員八年以憂去十二年後差泄處置流民奏
設都御史提督及副使叅議遂爲定制陞右都御史十三年事
竣陞南京兵部尚書詳南京兵部

何鑑字世光浙江新昌人弘治十八年以刑部左侍郎兼左僉
都御史清查河南湖陝戶口刊條檄申詳勅旨委藩臬分方任
職隱藏者省發飛射者釐正流寓者不遣願歸者無禁軍民匠
灶各從其業聯而爲甲圖而爲里設畸零蒞管以處無歸之民
疏處置十事以聞詳兵部尚書

畢亨字嘉會山東新城縣人正德二年以南京工部右侍郎巡
視災傷區畫無遺策境賴以安詳工部尚書

洪鍾字宣之浙江錢塘縣人正德五年以刑部尚書兼左都御史總督四川陝西河南湖廣兵討川賊藍廷瑞鄢本恕平之又討平沔陽洞庭水寇丘仁楊清等加太子少保又討土官楊友楊愛平之賜麒麟服加太子太保詳都察院

彭澤字濟物陝西蘭州人正德六年以右副都御史提督河南軍務大敗賊衆賊奔商水阻不能度幾就擒因御史雷宗力勸朝崇府賊因得渡破西華等十二處至河南總兵馮禎戰死賊亦敗去奔汝寧澤分調追勦斬獲甚衆生擒賈勉兒楊寡婦趙風子兄弟劉三走死河南寇平捷聞以功陞右都御史詳兵部

河南巡撫行實

于謙字廷益浙江杭州府錢塘縣人永樂辛丑進士任御史有聲宣德五年以兵部右侍郎出撫河南山西二省善政在河南尤著若勸力糴粟官爲收糴以備賑荒預擬河患督採近地草束以備築堰公庾積久易敗卽減價而糴旁近亦獲以濟征輸稅有贏餘卽以鈔折納官民交便歲旱奏減存留糧草積誠以禱雨澤民忘其灾河流歲衝土城遂築大隄以防植柳爲固立舖設夫以備收補植柳於道以蔭行旅鑿井以濟道渴迄今存焉時議者欲移山東薪炭及大名收於河南抗疏止之山東陝西民流徙其地乃爲立里以居給田以耕不使移患地方後皆

視以爲法正統十一年以薦代降大理寺少卿仍舊任十二年陞兵部右侍郎還部歷兵部尚書詳兵部

正統十四年以後河南專設巡撫

王來字原之浙江寧波府慈谿縣人宣德丙午舉人授新建教諭拜江西道御史歷河南左布政使正統十四年以都察院右副都御史出撫河南湖廣賑恤流民凡軍民利病官吏臧否皆便宜處治時河南軍伍空缺乃籍丁多之家出丁號曰機兵精器械嚴武備及聞京師有警親率馳赴策應得勅而止上遣行人獎諭景泰元年改撫貴州歷南京工部尚書詳南工部王暹字景陽浙江紹興府山陰縣人領永樂甲午鄉舉登戊戌

進士第爲翰林庶吉士進元夕詩獲寶楮之賜授刑部主事卓
有能譽陞員外郎宣德五年用大臣薦擢河南按察司副使丁
父憂服闋調山東正統元年隨調陝西專督糧儲二年以軍功
陞布政使司右布政使綜理繁劇庶務克熙奉勅勸濟得米
一百五十餘萬石歲用不歉奏立范文正公祠於延安民禱畢
輒應咸感公欲立碑紀其德公禁止之七年丁母憂去任吏民
請留上遣官邀諸途奪情復任九載秩滿應遷進朝論難其
代仍俾守原職以慰陝民正統己巳胡馬飲蘆溝京師戒嚴
上收用老成人以護根本驛召還陞都察院右副都御史守正
陽門嚴飭備禦虜不敢近時遠邇軍民驚散聚城下嗷嗷待斃

乃啟西直門悉放入賴以存活者萬計尋 勅安撫順天等府
及鎮守天壽山陵築立城堡統軍剿賊遂奏罷被賊郡縣歲課
物料民安之景泰元年 勅巡撫河南湖廣兼修築沙灣悉聽
便宜行事保定張普山以妖言煽衆於陳州發兵擒普山誅之
事遂定奏修河用工次第宜自黑羊山抵蕭縣每十里置舖專
人提督修治仍乞減免濟南兗州科差以甦民困三年陞左副
都御史未幾陞右都御史奏開封等府水災其遠運糧草乞量
減別州縣運納又奏順天山西山東等處復業流民宜令有司
撫恤寬免糧差又奉 勅考察河南湖廣鳳陽官員去留惟允
又奉 勅賑濟河南徐州饑民因奏開封等府州縣災傷五十

一處乞蠲該年夏稅之半凡所奏上皆從之公慮黃河水勢漸及汴城築堤四十餘里捍其外城民用免溺五年公年六十以災異上疏自劾乞罷歸田里情懇甚上慨然許之及陛辭蒙燕勞遂行已而河南官民交章乞留公已去矣既致仕杜門謝客優游林泉十餘年而歿享年七十所註有慎菴集四十卷奏議二十卷藏於家

馬謹字守禮直隸真定府新樂縣人宣德丙午鄉試丁未進士第癸丑拜貴州道監察御史正色立朝慨然以功業自期嘗巡按浙江等處所至克振風裁貪穢屏迹時楊文貞公士奇輔政不輕許可知其廉介特假竹贈之曰直道而行馬御史冰霜節

操鐵心肝一庭竹色門如洗坐對清風到歲寒益確論也正統
壬戌吏部驗封郎中缺員尚書郭公璉推公剛直廉潔特授之
公秉至公不阿勢要凡有用人悉遵常格無敢越者故禮部尚
書胡公濙讚稱公雖臨勢力炎涼終不改其節操歲乙丑用大
臣薦陞湖廣布政司右布政使公至官敦德化剷宿弊吏民悅
服未幾回祿焚蕩解宇公悉力營之不踰年煥然一新故憲使
馮誠論公經營解宇官不費而民不勞可謂有爲者也時所屬
多淹獄久弗決御史閻寬以公精於法律奏同審錄活者二十
餘人歲已巳邊鄙隆里等處苗賊生發攻圍城寨殺擄官軍

朝廷以公歷練老成素多謀畧特勅同叅將張善御史侯爵往

總軍事兼督糧餉公至沅浪與諸公會衆議分兵悉剿殺之公曰苗之叛逆非苗罪也有司罪也橫征暴斂靡所不至以致斯耳豈得已哉若盡殺之未免玉石不分徒傷國家好生之德盡先傳檄申諭有能降者安輯之使得其所彼負固弗庭然後分兵討之如此則兵不勞而苗可平矣衆皆稱善於是公親爲先期以諭之不數日來降者數千人公悉分布郡縣給糧賑之各得其所其冥頑不服者公與張善等乃督兵繇沅州綏寧等處四出截殺攻破淇溪等寨斬首百餘奪回被擄男婦三百有奇頭畜千餘景泰庚午公與張善等仍督官軍攻破鴈婆等洞大小千餘寨斬首四百有奇奪回被擄男婦三十有六頭畜倍之

時總督軍務靖遠伯王公驥右都御史王來咸嘉公勛捷聞賞
賚而公獨加厚已而青龍度楊山等處賊得徽 朝廷特命保
定伯梁公瑤總兵討之梁欲盡勦無遺檄公同叅將李震等由
澧口進奪浪江青龍度馬楊山等處破賊生擒五人斬首五百
三十有奇餘賊奔潰追至雞心嶺等處生擒十有四人斬首九
百有奇賊頗寧息甫回靖州復報石壁等寨賊復乘隙出掠梁
公議調公與震等領兵直搗賊巢剿殺賊因恃險拒敵公遂督
衆奮擊擒獲二百餘人斬首千餘既而東山賊寇復出仍督官
兵追殺擒獲四百斬首千餘捷聞獎賚尤厚歲辛未春武崗城
溪平水小言鴈鳥等處賊通廣西蠻寇團聚青肺山頭硬寨偕

立龍鳳黃旗陸梁滋蔓衆方患之公謂震曰今用兵屢勝勢同
破竹苟玩愒歲月則刃鈍節堅雖進不可得也於是督兵攻破
賊寨死者無筭擒獲賊徒楊光拳等五百六十餘人斬首倍之
他如扶城等寨聞風悉降先後奪回被擄男婦給親完聚公乃
班師當時會議平苗之功蓋與震等同冒鋒鏑而其運謀制勝
不絕糧餉則公之力居多是歲公回任時右都御史李公實巡
撫湖南奏公廉能政績超卓宜加獎異 朝廷賜誥進階正奉
大夫正治卿景泰元年復奏陞公左布政使其後 朝廷論平
賊功又陞公正二品俸歲乙亥公被召至京陞都察院左副都
御史奉 勅巡撫河南明年奉 勅奏覈所屬官吏凡貪暴無

狀者悉黜罷之務愜公論天順改元援例進階資善大夫公遽以老懇乞致仕 詔許之居家十有餘年惟課子孫耕讀而已非讀法未嘗輕出門戶成化改元援例進階資善大夫享年七十有七

天順元年以後河南巡撫不設至成化元年復設

賈銓字秉鈞直隸真定府邯鄲縣人永樂甲申進士擢刑科給事中累官雲南左布政成化元年以都察院左副都御史巡撫山東未幾命兼撫河南便宜行事爲政務實耻浮名二年遷理院事詳都察院

王恕字宗貫陝西西安府三原縣人正統戊辰進士成化二年

以撫治鄖陽都察院左副都御史巡撫河南風采凜凜有所興革兵民甚宜之四年陞南刑部右侍郎累官吏部尚書詳吏部陳濂字德清浙江寧波府鄞縣人正統乙丑進士授南刑主事成化八年以總理漕運都察院右副都御史丁憂起撫河南本年改保定巡撫九年復改漕運詳漕運

楊璿字叔璣直隸常州府無錫縣人正統戊午中京闈鄉薦已未登進士第尚未授室乃以假歸還朝拜戶部主事陞郎中璿才質通敏負器局論事果斷無姸阿態甚爲大司徒金濂所器財賦出納凡經籌畫不復訾省景泰三年陞山西右叅政徧歷州郡覈實戶數立上中下三等法均其徭役民用利便奉勅

督輓軍餉二十萬石實邊廩事集而人不知勞天順三年陞陝西右布政陝西地控三邊動輒有警往歲西夏用兵芻粟轉輸皆出調度洪渠水溢涇陽縣治堰以殺其勢賑卹匱乏存問犂獨其治民如山西而加勞焉在陝五年至天順八年改河南左布政使丁憂未任成化四年起戶部右侍郎本年入謁值流民嘯聚荆襄南陽山谷間以百萬計朝議求堪任拊循重寄者僉推璿故上始欲任典邦賦尋撤以去改右副都御史撫處荆襄等處流民加賜寶鑑璿單騎直抵其境勸宣帝命周行服膽留者占籍去者贏糧遠邇晏然有益起房竹縣境相挺剽掠璿曰是曹殆困於饑寒者猶撫諭之弗從乃請加兵俘獲數千

人衆議謂當掄刈持不可曰殲厥渠魁脅從罔治此 上意也
第戮首惡數人餘悉縱遣之七年畿內八郡歲荒又改 命巡
撫璿聞兼程以進首闕預備四倉空無所儲百方營聚有司怠
於趨事者以法繩之而豪宗巨室咸憚勸分遂騰口肆謗璿一
無所顧惟汲汲以康濟斯人爲務八年移撫河南先聲所至人
益慕賴化行俗阜 上嘉念之寵賜綵段四表裏璿亦感 上
知遇益勤於事剖決無滯日力不足繼之以夜所至敷求民瘼
搜剔吏弊禁游末抑豪右奸宄屏跡而善類知勸十年卒於官
張璿字廷璽應天府江浦縣人正統壬戌進士成化十年以都
察院右副都御史出撫河南大饑發廩賑濟設粥四門以給饑

者出官布以給寒者查空屋土窰以處無居者活民不啻萬數
薦按察使何喬新副使陳選衆服其知人河南軍糧舊屯元城
縣瑄以非屬地改置彰德軍民稱便以議事入京奏時宜十八
事十四年陞南京刑部右侍郎歷尚書詳南京刑部

李衍字文盛直隸隆慶州人景泰辛未進士成化十一年任江
西右布政使十四年以都察院右副都御史巡撫至則剗刮宿
弊理冤獄黜脏吏定徭法九等河溢城沒三版命官疏濬東南
低下始免決囓十六年陞戶部右侍郎累官總儲尚書詳戶部
秦紘字世纓山東兗州府單縣人景泰辛未進士成化十七年
以都察院右僉都御史巡撫陝西改任旣抵任巨璫汪直亦以

事至汪時竊弄威福聲勢烜赫他巡撫官率屈禮以見紘獨與抗禮畧不爲屈汪亦知重之不爲較紘乃密疏汪多帶旗校騷擾地方後汪回京上問各省撫臣賢否汪獨稱其廉能上以紘疏示汪汪叩首伏罪稱其賢不置上釋之本年改撫宣府累官戶部尚書詳戶部

孫洪字



山東萊州府平度州人景泰甲戌進士授兵部



司主事天順七年陞職方司郎中成化二年調禮部祠祭司郎中六年陞河南右叅政八年丁憂十四年起陞河南右布政使本年陞河南左布政使十五年陞都察院右副都御史巡撫大同地方十七年以征虜功陞本院右都御史巡撫河南地方

十八年丁憂回籍

趙文博字

山西太原府代州人景泰甲戌進士擢廣東道

監察御史六年差劾卷河南以劾權奸調淳化知縣天順八年

陞衛輝知府成化年改臨洮知府五年丁憂八年起補華昌

知府年陞陝西右叅政十年陞山東右布政使十一年陞

山東左布政使十八年陞都察院右副都御史巡撫河南地方

二十二年致仕

劉城字

江西饒州府鄱陽縣人天順

成化十年陞廣西左布政使二十三年陞都察院右副都御史

巡撫河南地方本年致仕

楊理字貫之直隸淮安府山陽縣人成化丙戌進士授刑科給事中陞鴻臚寺少卿歷大理寺左少卿成化二十三年以都察院右副都御史巡撫時歲歉河決乃增高汴堤水不為害民流入永寧者甚眾不俟報奏發廩賑之汴賴以安弘治二年陞工部右侍郎詳工部

侯英字

三

直隸大名府開州人天順庚辰進士擢

道監

察御史成化

年陞

三

年陞

三

年陞

三

年陞

三

年陞

按察使十

年丁憂十

年補

按察使二十

年廣西左

布政使弘治二年陞都察院右副都御史巡撫河南地方本年

卒於官

錢鉞字

浙江杭州府錢塘縣人天順甲申進士弘治三年

以都察院右僉都御史巡撫四年調南京光祿寺卿歷太僕寺卿貴州巡撫右副都御史詳貴州巡撫

徐恪字公肅直隸蘇州府常熟縣人成化丙戌進士弘治四年任河南左布政使陞都察院右副都御史巡撫時戶部督征稽逋恪上言民困乞免征有言漢中郎陽夔州各去省遠故爲盜淵藪當別立一省恪持不可乃止權倖不便謀去之八年改撫湖廣歷南京工部右侍郎詳南京工部

韓文宇貫道山西平陽府洪洞縣人成化丙戌進士弘治八年以巡撫湖廣都察院右副都御史改巡撫河南九年陞戶部右

侍郎累官戶部尚書詳戶部

陳道字德修直隸鳳陽府盱眙縣人天順甲申進士授吏部主事歷陝西左布政使弘治九年以都察院右副都御史巡撫疏彭德與山西直隸錯處宜專設武臣陳州境濬潁州曠遠宜增縣治乞嚴禁棍徒撥置宗室多從其言十一年陞刑部右侍郎累官南京刑部尚書詳南京刑部

鄭齡字

江西廣信府弋陽縣人成化己丑進士授工部主

事歷員外郎郎中弘治十一年陞四川右叅政八年陞四川左布政使十一年陞都察院右副都御史巡撫河南十五年致仕

孫需字季吉江西饒州府德興縣人成化壬辰進士弘治十三

年任浙江左布政使十五年以都察院右副都御史巡撫時河
溢且鹵汴城民流移載道乃議使役以築堤而予之傭錢令出
趨者萬計隄成而饑復濟公私便之羣盜橫行命督兵擒捕先
後獲數十人復取其贓散州縣以充給濟之費他若獄平賊
鋤強植弱孳孳在念民所便不便皆以次行罷無遺弘治癸亥
駕帖下河南取牡丹三千上疏耳目之玩不可勞民沁陽縣知縣
馮憲忤宗藩已有旨下撫按官會訊尋復逮赴詔獄又疏令
如反汗如戾舊法孝廟皆納其言而寢之居三年屬吏競勸
民視如父母然鎮守中官劉瑯與需水火剝民自殖輒以法裁
之有奸民違例赴瑯投愬牒者必據法配之荒裔瑯嘗跽請於

需曰瑯不能學公之公廉蓋稍縱繩墨使瑯得飲酌水以相安
於此邪需心知瑯必害已亦不爲動日夜陰圖中需大臣之子
有怙勢橫於其鄉者需亦裁以法於是瑯計得行會陝西缺巡
撫遂改撫陝西累官南京吏部尚書

韓邦問字大經浙江紹興府會稽縣人湖廣襄陽衛籍成化己
丑進士授評事歷官廣東左布政使巡撫南贛右副都御史弘
治十七年起都察院右副都御史巡撫中旨取樂工不遣上疏
引放鄭聲爲戒詞甚剴切正德元年遷南京大理寺卿累官刑
部尚書詳刑部

陶琰字廷信山西平陽府絳州人成化辛丑進士正德元年由

山東左布政使陞都察院右副都御史巡撫首黜賊吏黃金寶
所屬震懾二年陞刑部右侍郎累官南京兵部尚書詳南兵部
正德二年革巡撫

鄧庠字宗周湖廣郴州宜章縣人成化壬辰進士正德六年總
督南京糧儲以都察院右副都御史回籍起巡撫河南本年丁
憂回籍累官南京戶部尚書詳南京戶部

鄧璋字禮方順天府涿州人成化丁未進士正德三年任巡撫
宣府左僉都御史六年以都察院右副都御史巡撫任流賊作
亂運謀剿平之八年陞南京刑部右侍郎累官南京戶部尚書
詳南京戶部

陳珩字希白浙江紹興府嵊縣人弘治庚戌進士正德八年由福建左布政陞都察院右副都御史巡撫遼東流賊之餘首剿平賊黨孫郁等命有司收瘞餘骸表男女死節者申冤獄知縣表鑑指揮葉章等五十餘員得未滅毀內官新野縣之抽分緩歲徵修河夫以寬民民力稍蘇十年改大理寺卿詳大理寺

蕭紳字凌漢四川成都府內江縣人成化辛丑進士授霍丘知縣歷巡撫保定右副都下獄起撫貴州正德十年以都察院右副都御史巡撫陝西累官兩廣右都御史詳兩廣總制

李充嗣字士修四川成都府內江縣人成化丁未進士正德十

年以順天府尹陞都察院右副都御史巡撫振肅紀綱扶植教化汴地河患多積通疏奏咸陽蠲免正德丁丑戊寅蝗澇祛滅尅之弊刊休糧方以濟民禁發陵墓諭止鎮守虧值市物十三年改撫南畿累官南京兵部詳南京兵部尚書

沈冬魁字

直隸河間府阜城縣人弘治庚戌進士正德十

三年由太常寺卿督四夷館陞都察院右副都御史巡撫十六年陞工部右侍郎累官南京禮部尚書詳南京禮部

何天衢字

湖廣永州府道州人弘治丙辰進士正德十六

年以都察院右副都御史巡撫嘉靖二年陞南京工部右侍郎改工部右侍郎詳工部

王薰字

山東萊州府濰縣人弘治丙辰進士嘉靖二年以

都察院右副都御史巡撫三年改撫陝西

劉文莊字

陝西西安府華陰縣人弘治己未進士嘉靖二

年以都察院右副都御史巡撫四年遷理院事詳都察院

蔣瑤字粹卿浙江湖州府歸安縣人弘治己未進士授行人擢

御史歷江西左布政嘉靖四年以都察院右副都御史巡撫七

年回籍改南院累官工部尚書詳工部

潘墳字

直隸淮安府山陽縣人正德戊辰進士四年擢工

科給事中九年陞吏科右給事中十年陞工科左給事中十一

年陞兵科都給事中本年出爲大名府同知十五年改南京太

僕寺寺丞十六年復兵科都給事中本年陞陝西右叅政嘉靖四年陞山東右布政使六年陞浙江左布政使七年陞都察院右副都御史巡撫河南地方八年致仕

徐讚字

浙江金華府永康縣人弘治乙丑進士嘉靖八年

以都察院右僉都御史巡撫十年陞工部右侍郎詳工部

吳山字

直隸蘇州府吳江縣人正德戊辰進士嘉靖十年

以都察院右副都御史巡撫十三年降浙江右叅議累官刑部尚書詳刑部

簡霄字

江西臨江府新喻縣人正德甲戌進士嘉靖十二

年任大理寺左寺丞十三年以都察院右僉都御史巡撫十五

年遷南院右副都御史歷南京兵部右侍郎詳南京兵部

易瓚字

直隸河間府肅寧縣籍山西臨汾縣人正德辛未

進士嘉靖十五年任都察院右副都御史巡撫河南地方十八年免官

胡纘宗字

陝西鞏昌府奉安縣人正德戊辰進士改翰林

院庶吉士授檢討五年調嘉定州判官八年陞潼川州知州十年陞南京戶部司員外郎十三年陞本部江西司郎中本

年調南京吏部驗封司郎中十四年陞安慶府知府嘉靖三年調蘇州知府六年陞山東右叅政本年改浙江右叅政八年以不及調山西右叅政十一年陞山西右布政使本年丁憂十四

年調河南右布政使十五年陞河南左布政使本年陞都察院
右副都御史巡撫山東地方十七年改治河道十八年改撫河
南地方本年閑任

傅鏞字希準遼東廣寧人舉正德辛未進士召試授禮科給事
中屢言當世大計其最著者論邊事一疏大指言今法邊將臨
敵士卒十人以上以坐其將將畏坐率不敢見虜虜無所畏得
以暴苦邊民宜制自今虜入境能格虜者雖士卒十人以上勿
問有功者仍錄之其不敢見虜者卽不亡一人罪不宥 上是
其議著爲令十年乙亥遭母喪解職丁丑復除禮科已卯遷工
科右給事中本年陞太平府知府選子弟聰穎者延師教之暇

則躬校文藝太平由是科不乏人俗好賽神費每不貲諭禁遂止大旱禱雨輒應隣郡有大獄不決鑰治之立辨在郡日久絲粟無所私庾庫充羨會歲饑盡發之復以餘粟爲粥於野販旁郡之流携入境者所全活甚衆時撫臣及部使者以鑰才賢薦剡上以十數嘉靖三年拜浙江按察司副使巡視海道鑰遼東人習見海自乘巨艦櫓弓矢出入風濤中無險不至其修置戰舶收給月糧之法浙東至今行之八年以喪解職壬辰起復授河南副使專備信陽威惠懋著十二年拜山西按察使有富人坐殺人當死獄成矣復以賄免鑰收鞫之境置於法縣令主簿有能守官箴祇以忤當道爲奸人所構者事下按察司或謂鑰

宜有所瞻。顧鑰曰：陷人以悅人，吾不爲也。竟白之。十三年遷四川右布政使。未行十四年，以巡撫王都御史昏夜誤杖宗室子，事連坐左遷。河南右叅議十五年陞河南副使。十六年遷江西左叅政。行之日，軍民數千人遮留。十八年遷福建右布政使。本年轉河南左布政使。軍民間鑰復至，額手胥慶。會巡撫都御史缺，廷議以河南薦罹大災，非鑰不可。上遂以畀鑰。軍民乃益大喜。然鑰爲江西時，以夏日傷暑，救荒跋履山谷，感疾至是，疾日益增。以新受命，未敢輒言去。且其時河南人饑死者殆半，而當輸粟三十萬石。鑰具疏乞蠲賦一夕，疏成而疾遂篤。竟以不起。天子感鑰言切，特貸河南粟三之一。其二許民出銀以貸。

栗河南相與哭鑰赴鑰之喪曰我乃從鑰得活而鑰顧死耶計
聞上命賜葬鑰少孤孝養其母及生母居喪哀毀踰禮平生
不見疾言遽色與人交溫厚樂易至於利誘勢休則屹然山立
不可動也年五十有九

魏有本字曰深浙江紹興府餘姚縣人正德辛巳進士嘉靖十
八年任大理寺右少卿十九年以都察院右僉都御史巡撫三
十一年改督南京糧儲二十三年歷南京大理寺卿三十七年
陞南京刑部右侍郎二十九年推總漕右都御史

李宗樞字子西陝西西安府耀州富平縣人嘉靖癸未進士本
年除山東諸城縣知縣三年擢浙江道監察御史十一年陞河

南僉事提督安慶等衛屯種壽州等衛兵備捕盜理刑兼理廬鳳滁內地地方衛所屯田十四年陞河南左叅議十七年陞河南副使添註十八年陞河南右叅政本年陞河南按察使尋丁憂二十一年補河南按察使本年陞都察院右僉都御史巡撫河南地方二十三年卒於官

雒昂字仲俛陝西西安府三原縣人嘉靖癸未進士三年除大常寺博士五年丁憂八年復除太常寺博士九年陞吏科給事中十一年陞刑科右給事中十二年陞四川僉事十五年陞河南左叅議十八年陞山東左叅政二十一年陞河南按察使二十二年陞山東右布政使二十三年陞河南左布政使本年陞

都察院右副都御史巡撫河南地方二十四年繫獄

龔亨字有孚江西臨江府清江縣人正德辛巳進士授南刑部主事嘉靖四年陞員外五年陞貴州僉事蜀夷稱亂剿撫靡決亨以夷心叵測非一大創不可乃率衆深入底定其地受欽賞餘孽復熾畢節幾危亨督兵堅守旋就撲滅土人德之建祠祀焉十年陞雲南副使備兵臨安安宣慰內金酒中爲贅享麾却之訪沅江廣南土官富者悉禁其來謁交趾酋越疆剽掠爲患計擒數人梟示邊境以寧十一年丁外艱十四年復除四川副使有都指揮恃黨肆虐竟寘之法黨戢無譁以征茂州夷功復蒙金幣之賜時交南用兵議設專官理館十六年陞廣東

右叅政董其事清積歲逋賦東莞爲甚其丞覲以賂免亨怒按
其罪由是逋完餉足十八年陞廣東按察使下內艱二十一年
復除廣東二十二年陞湖廣右布政使二十三年陞陝西左布
政使二十四年陞都察院右副都御史巡撫河南值歲大饑檄
所部發廩賑施全活甚衆河工負值幾數百萬亨會河道都御
史酌處得損其半以紓民困虜寇神木亨料賊志掠近境而還
兵往無及已而果然議發兵餉者內慙致煩媒藥二十五年以
閒任歸杜門屏跡蔬食敝衣凡數十年足未嘗及城市族黨貧
不能婚嫁者助其費又鬻毛家畬地七畝爲義塚死不能葬者
有歸焉流寇掠鄉男婦縛以待贖亨代之贖貸不能償者輒焚

其劬隆慶改元撫按疏奏進階資治尹萬曆三年卒年八十五
柯相字直隸池州府貴池縣人正德丁丑進士十三年授
江西永新縣知縣十五年丁憂嘉靖元年復除山東商河縣知
縣四年擢南京兵科給事中本年丁憂七年復除南京吏科給
事中十一年陞浙江寧波府知府十三年調湖廣武昌府知府
十七年陞四川副使二十年陞廣東左叅政二十二年陞浙江
按察使二十三年陞河南右布政使本年陞河南左布政使二
十四年陞都察院右僉都御史巡撫陝西地方二十五年陞都
察院右副都御史巡撫河南地方本年改提督兩廣軍務未任
仍留巡撫河南本年閑任

范鏞字

江西饒州府樂平縣人直隸潘陽衛籍正德丁丑

進士嘉靖二十年陞巡撫寧夏右副都御史二十一年養病二十五年以都察院右副都御史巡撫本年陞兵部右侍郎二十七年歷左侍郎二十八年推尚書詳兵部

丁汝夔字大章山東濟南府霑化縣人正德辛巳進士嘉靖六年任吏部文選司主事陞考功司員外郎七年陞陝西按察司副使十八年陞巡撫甘肅右副都御史十九年丁憂二十一年陞巡撫保定右副都御史二十三年改撫應天二十四年改理院事被劾降調廣叅政二十六年以都察院右副都御史巡撫本年陞吏部右侍郎

張綱字美中江西吉安府吉水縣人嘉靖癸未進士二十六年任都察院右副都御史巡撫河南地方二十七年卒於官

彭黯字道顯江西吉安府安福縣人嘉靖癸未進士二十年任南京太常寺少卿二十一年丁憂二十四年補四夷館太常寺少卿陞南光祿卿改光祿寺二十六年陞巡撫山東右僉都御史二十七年以都察院右副都御史巡撫河南二十八年遷刑部右侍郎

端廷赦字世恩直隸太平府當塗縣人正德辛巳進士嘉靖二十二年任
參政二十二年陞順天府丞二十三年陞巡撫

山東右僉都御史二十四年陞都察院左副都被劾未任

八年以都察院右副都御史巡撫二十九年陞南院右副都察院右副都御史巡撫

陸邦字秀卿浙江嘉興府嘉善縣人嘉靖丙戌進士任湖廣岳州府知府二十四年救荒有善政巡按伊敏生薦之特旨陞太僕寺少卿二十六年陞南京鴻臚寺卿二十九年改南京光祿三十年以都察院右僉都御史巡撫本年致仕邦慈惠清謹淳德篤行持身如處女愛民如已子服食之儉待人之周庶幾循吏云

高澄字肅卿順天府固安人嘉靖己丑進士十七年任光祿寺

少卿二十四年陞南京太僕寺少卿二十六年陞四夷館太常寺少卿二十八年陞光祿寺卿三十年陞都察院右副都御史巡撫三十一年卒於官

謝存儒字茂珍湖廣蒲圻人嘉靖丙戌進士三十一年以都察院右副都御史巡撫三十二年陞南兵部右侍郎

楊宜字伯時直隸衡水人嘉靖癸未進士三十二年任大理寺左寺丞二十四年陞總理南京糧儲右僉都御史本年聽勘三十二年以都察院右僉都御史巡撫討平流賊師尚詔三十三年陞南京戶部右侍郎三十四年改兵部提督浙直軍務

鄒守愚字君哲福建莆田人嘉靖丙戌進士三十三年以右副

都御史巡撫

張烜字仲熙廣西懷遠人嘉靖己丑進士任江西餘干知縣十
九年陞吏部稽勳主事二十年改考功改文選二十二年陞稽
勳員外郎本年改考功陞驗封郎中二十三年陞廣東右叅政
二十一年布政二十九年陞巡撫應天右副都
御史三十年調南贛三十二年聽勘三十四年以右副都御史
任三十五年閑任

潘恩字子仁直隸上海人嘉靖癸未進士三十五年以右副都
御史任詳刑部尚書

章煥字懋實直隸吳縣人嘉靖戊戌進士二十九年任吏部考

功司郎中三十年任南京太僕寺少卿三十四年陞光祿寺卿
三十六年以右僉都御史任三十五年陞漕運右副都御史詳
南京糧儲副都

張永明字鍾誠浙江烏程人嘉靖乙未進士三十八年以右副
都御史任詳刑部尚書左都

蔡汝楠字子木浙江德清人嘉靖壬辰進士授行人陞右司副
歷刑部員外郎復除南京刑部陞郎中三年陞四川副使三
十三年陞江西右叅政三十六年復除福建左陞山東按察使
三十七年陞江西右布政使轉左四十年陞巡撫河南右副都
御史任詳京營侍郎

胡堯臣字伯純四川安居人嘉靖戊戌進士四十一年
都御史任四十二年致仕

遲鳳翔字德徵山東臨朐人嘉靖甲辰進士四十二年以右副
都御史任見兵部左侍郎

冀鍊字純夫山東益都人嘉靖甲辰進士四十四年以右僉都
御史任改撫宣府

孟養性字存甫山東齊河人嘉靖戊戌進士四十五年以右副
都御史任

國朝列卿紀卷之百二十終